



ԵՐԵՄՆԱՄՅԱ ՎԱՍՏԱԿԻ ԱՐԺԱՆԱՎԱՅԵԼ ԳՆԱՀԱՏՈՒՄ

Մարդու ինքնահաստատման լավագույն ձևն է աշխատանքը: Իսկ եթե մարդը աշխատել է բարեխղճորեն և ինքնանվիրումով, ուրեմն իդուր չի ապրել, այլ սպառվել է լույս տալով:

Այս արժևորումով էր ահա, որ նոյեմբերի 9-ին Ամենայն Հայոց Վեհափառ Հայրապետը ջերմորեն գնահատեց Մայր Աթոռի 6 գործակիցների երեսնամյա վաստակը:

Նոյեմբերի 9-ին Մայր տաճարը լեցուն էր հավատացյալներով: Իր քահանայական գործունեության երեսնամյակին ու պատարագ էր մատուցում Մայր տաճարի լուսարարապետ Տ. Հուսիկ արքեպ. Սանթուրյանը: «Հայր մեր»-ից առաջ Կոմիտաս արքեպ. Հովնաթյանը Սուրբ Սեդակից կարդաց Նորին Սուրբ Օծություն Տ. Տ. Վապգեն Ա Ամենայն Հայոց կաթողիկոսի սրբատառ կոնդակը (տես էջ 8), որով Վեհափառ Հայրապետը բարձր էր գնահատում լուսարարապետ սրբապանի անձնվեր ծառայությունը Հայ եկեղեցուն և Մայր Աթոռ Ս. Էջմիածնին: Պատարագից սրբապան հայրը սրտառուչ քարոզով իր երախտագիտությունը հայտնեց Նորին Սրբությանը՝ ցուցաբերած վստահության և ջերմ գնահատանքի համար:

Հետ պատարագի Վեհարանի սեղանատանը կազմակերպված էր մեծարման ճաշկերույթ՝ ի գնահատություն Մայր Աթոռի պաշտոնյաների 30-ամյա վաստակի:

Ավագագույնը տիար Գառնիկ Քեհյայանն է, որ երեսուն տարի անխոնջ եռանդով վարում է Մայր Աթոռի տնտեսա-ֆինանսական բաժինը: Վեհափառ Հայրապետը նրան

պարգևատրեց «Ս. Ներսես Շնորհալի» շքանշանով: Օրինության գրի մեջ Նորին Սրբությունը այսպես է բնութագրում տիար Գառնիկ Քեհյայանի վաստակը.

«Երեսուն տարիներ շարունակ Դուք անսակարկ կերպով գործեցիք Ձեզ հատուկ բարեխղճությամբ, ձեռնհասությամբ ու անընկճությամբ, տևապես առաջնորդվելով բարոյական և աշխատանքային կարգապահության սկզբունքներով»:

Մայր Աթոռի գլխավոր ճարտարապետ տիար Արծրուն Գալիկյանը նույնպես գործունեության երեսնամյա վաստակ ունի: Վեհափառ Հայրապետը նրան նույնպես արժանացրեց «Ս. Ներսես Շնորհալի» շքանշանի՝ իբրև գլխավոր ճարտարապետ և ընդհանուր ղեկավար Մայր Աթոռի բոլոր շինարարական ձեռնարկների:

«Վերջին երեսուն տարիներին Մայր Աթոռում և մեր ներքին թեմերում կատարված բոլոր շինարարական աշխատանքները, պատմական վանքերի ու եկեղեցիների վերանորոգումները տեղի ունեցան ուղղակի Ձեր վերին ղեկավարությամբ, բացառիկ ձեռնհասությամբ», գրում է Վեհափառ Հայրապետը իր օրհնության գրի մեջ:

Տիար Պարզև Շահբալյանին ուղղված օրհնության գրի մեջ Վեհափառ Հայրապետը ընդգծում է. «Երեսուն տարիներ անընդմեջ Դուք ծառայել եք Մայր Աթոռիս բացառիկ բարեխղճությամբ և ձեռնհասությամբ, իբրև հմուտ դասախոս հոգևոր ձեմարանի, իբրև վարիչ-քարտուղար միջեկեղեցական արտաքին հարաբերությունների բաժնի և հայրապետական Մեր թարգմանի-

չը ֆրանսերեն լեզվով»: Ասենք նաև, որ շատ արդյունավետ է եղել տիար Շահբադյանի գործունեությունը «Էջմիածին» ամսագրին, մանավանդ որ 1983—84 թվականներին ձեռնհասորեն իր բոլոր պաղումներին պուգորդեց ամսագրի խմբագրի պաշտոնը և այժմ մաս է կապում ամսագրի խմբագրական հանձնաժողովին:

Տիար Նուբար Միքայելյանի վաստակը գերազանցում է երեսուն տարին: Նա մեզ վաջան աշխատանքով ծառայել է «Մայր Աթոռի» բացառիկ բարեխղճությամբ իբրև ժրաջան քարտուղար դիվանատան և իբրև հոգատար պահպանող և ուսումնասիրող Մայր Աթոռի Չեռագրատան», գրում է Նորին Սրբությունը:

Եվ, վերջապես, տիար Լևոն Խոջամիր-

յանի տարիների բարեխիղճ աշխատանքի արդյունքն է Մայր Աթոռի փոխադրամիջոցների բարեկարգ վիճակը: «Երեսուն տարիներ անընդմեջ Դուք ծառայում եք Մայր Աթոռի, մեծ բարեխղճությամբ իբրև հմուտ ղեկավարը Մայր Աթոռի փոխադրական միջոցների, Չեզ հատուկ հավատարմությամբ ու կարգապահությամբ»: Անհափառ Հայրապետը այսպես է գնահատել տիար Խոջամիրյանի վաստակը իր օրհնության գրի մեջ:

Ճաշկերութի ցնթացքում Անհափառ Հայրապետը հորեղարներին մաղթեց քաջատոգչություն և երկար կյանք՝ ջարուսակելու իրենց եկեղեցանվեր և հայրենանվեր ծառայությունը Մայր Աթոռում:

ԹՂԹԱԿԻՑ

